

Part 1

Zombies ässe nit veganisch und so
 Si hän stränge Körpergruch syt däre sach mit em Tod
 Zombies bruuche kai Schloof - Und hänges nit oft in Bars
 Und Nei - syy zaahle kaini Stüüre nit für irgend e Staat
 Zombies spekuliere uf dr Bank an dr Börse
 Inveschtiere Milliarde gege d Axe vom Böse
 Zombies rede nit viel - und Entertaine nit guet
 und ihres Fingerspitzegfühl loht si in dr Regel in Rueh
 Si hän kai Händli fürs Läabe und läbe meischtens zu lang
 und si vrsüüche unsri Stroose mit verwäsendem Gstangg
 si unterzeichne Verträg in unsrem Name mit Stolz
 si profitiere vo dr Angscht und bringe Panik ins Volk
 Zombies dängge nur an dich wen ihre Maage knuurt
 Und ihres Gmeinschaftsgfüühl das ähnlet me soziale Furz
 Zombies bruche kai Geborgeheit - empfinde kai Scham
 den sie hän kai Gwüsse bruche keins - und wärde nie eins ha...

Hook

*Denn si sin Zombies und si dörfes das weisch
 Und wen de Päech hesch fählt huet Nacht au an dim Körper e Teil
 Je nach däm wieviel de Wärt bisch - ischs dis bittere Änd
 den Zombies gits nit bloss im Film - Nei si regiere die Wält
 Denn si sin Zombies - und si wärde nit satt
 Si hän nie gnueg – und ihre Hunger isch e sträabe nach Macht
 s'isch bloss e Froog vo dr Zyyt bis jede druntr kunt
 Den Zombies gits nit bloss im Film – nei si sin untr uns*

Part 2

Zombies gsehn vo Huus us immer gstresst und bitz krank us
 Si empfinde kaini Schmärze sin immun geg dr Bandwurm
 Zombies trage keini Kinder us - sie ässe ihres zarte Fleisch
 zerrisse ihri Zuekunftperspektive wiene Packig (?)
 Zombies mache kei Sport - und Zombies bruche kai Sex
 Und bi de Ami-Zombies kunt dr Doktr suugt ne das Fett
 Si hän kai problem mit Läberwäart und Cholesterin
 und Zombies bunkere ihri Beutebonis nur im grosse Stil
 den Zombies teile nit gärn - und Zombies hän immr rächt
 Meh gseht sie in dr Politik in Unternähme und Gschäft
 Zombies nähme sich s Rächt über unser Läabe z bestimme
 Und je nach däm wie sehr du kämpfsch kasch ihre Klaue entrinne
 Abr dängg bloss nit dass e Zombie wäg dir Uusnahme macht
 Den irgendwen stoht au dä Zombie in dim Huus in dr Nacht
 Zombies verschulde Staate - handle stets kompetänt
 Doch Zombies könne nit schwimme, sy bades nit us am Änd